



NEWSLETTER BR. 17

MART 2016

FIPA AKTIVNOSTI ≡

SADRŽAJ

- » Direktor FIPA-e učestvovao na Zagreb Brend Forumu
- » BH dijaspora iz Danske u posjeti FIPA-i
- » Trgovačko-ekonomski savjetnik Ambasade Narodne Republike Kine u BiH u FIPA-i
- » Načelnik Općine Gradiška posjetio FIPA-u
- » FIPA i VTK dovode japanske biznismene u BiH
- » Sastanak predstavnika FIPA-e i Privredne komore FBiH
- » Konsultant iz SAD Alex Boyd posjetio FIPA-u
- » Direktor firme Natural food d.o.o. Vitez u FIPA-i
- » Consulting Group SA iz Beča u FIPA-i
- » Novalić i Milinić: Privlačenje stranih investicija – zajednički zadatak
- » Sastanak FIPA - Agencija za privatizaciju FBiH
- » FIPA: Potpisan sporazum sa Crnom Gorom
- » Ekonomski savjetnik Ambasade Austrije u FIPA-i
- » Sastanak FIPA-BBI
- » Aftercare posjeta firmi Bioil doo Doboj
- » Održan poslovni forum i B2B susreti BiH-Grčka
- » Ambasador Francuske posjetila FIPA-u
- » Njemačka firma Fliegl Trailer namjerava otvoriti fabriku u BiH
- » FIPA partner Općini Čelinac na Čelinačkom sajmu privrede
- » Ambasador Švicarske u FIPA: Švicarski biznismeni dolaze u BiH u maju
- » Predstavnici FIPA-e održali sastanak u Federalnom ministarstvu razvoja, poduzetništva i obrta
- » Posjeta direktora njemačke kompanije FEN-BH
- » Direktor ureda Razvojne banke KfW u Sarajevu posjetio FIPA-u
- » Predstavnici 14 zemalja EU posjetili FIPA-u
- » Ambasador Kraljevine Holandije u BiH posjetio FIPA-u
- » Posjeta firmi Automatic Servis d.o.o. Visoko
- » Posjeta firmi Nerzz Bešlagić d.o.o. Visoko
- » Predstavnici FIPA-e posjetili Općinu Gacko
- » Predstavnici FIPA-e posjetili Općinu Nevesinje
- » Predstavnici FIPA-e posjetili Hotel Ružu i Rimeco doo
- » Generalni sekretar Saveza općina i gradova RS posjetio FIPA-u
- » Ministar industrije, energetike i rudarstva TK posjetio FIPA-u
- » Posjeta firmi Natural Food d.o.o Vitez
- » Posjeta firmi Mago BH d.o.o Vitez
- » Posjeta predstavnika MIPA-e
- » Direktor Predstavništva njemačke privrede u BiH (AHK) posjetio FIPA-u
- » Sastanak predstavnika FIPA-e i VTK-a

POSLOVNE VIJESTI ≡

- » U Srebrenici pri kraju gradnja fabrike od 4,5 miliona eura
- » U Tešnju ozvaničen početak rada One-stop shop ureda
- » BiH u Međunarodnoj energetskej povelji
- » Tešanjski kiseljak osvojio prvo mjesto na takmičenju u SAD-u
- » Historijski iskorak: Kod Nevesinja se počinje graditi prvi vjetroпарк u BiH

FIPA AKTIVNOSTI ≡



DIREKTOR FIPA-E UČESTVOVAO NA ZAGREB BREND FORUMU



BH DIJASPORA IZ DANSKE U
POSJETI FIPA-I ≡



...I JOŠ FIPA AKTIVNOSTI...



DIREKTOR FIPA-E UČESTVOVAO NA ZAGREB BRAND FORUMU



Direktor Agencije za unapređenje stranih investicija u BiH (FIPA) Gordan Milinić učestvovao je 31. marta u Zagrebu na Zagreb Brand Forum-u u okviru kojeg je u organizaciji Agencije za investicije i konkurentnost Hrvatske održan Okrugli sto pod nazivom „Investitori dobrodošli uDržava kao brend“ koji se fokusirao na područje „brendiranja“ zemlje kao uspješne investicijske destinacije.

Direktor Milinić je govorio o svom iskustvu i iskustvu Bosne i Hercegovine u predstavljanju i prije svega privlačenju investitora, predstavio je trenutne aktivnosti FIPA-e na ovom polju i svoju viziju rada i upravljanja Agencijom. Na skupu su razmijenjena iskustva predstavnika regionalnih agencija za unapređenje stranih investicija, razmijenjena su mišljenja o načinu brendiranja regionalnih zemalja, što utiče na percepciju investitora regije zapadnog Balkana kao lokacije za investiranje.

Na skupu su, osim predstavnika regionalnih agencija, učestvovali strani i domaći investitori u Hrvatskoj, predstavnici hrvatske akademske zajednice, stručnjaci za brendiranje, itd.



BH DIJASPORA IZ DANSKE U POSJETI FIPA-I



Direktor Agencije za unapređenje stranih investicija BiH (FIPA) Gordan Milinić razgovarao je sa predstavnikom dijaspore iz Danske, direktorom firme Dan-Bos sa sjedištem u Danskoj i članom Udruženja danske industrije (DI) Kemalom Alispahićem o mogućnosti ekonomske suradnje sa bh. dijasporom u Danskoj.

G. Alispahić je istakao ovom prilikom da bh. dijaspora u Danskoj broji 20.000 osoba, da je dobro integrirana u dansko društvo, i da veliki broj ljudi posjeduje vlastite firme iz raznih oblasti koje uspješno posluju.

S obzirom da je na sastanku istaknuta činjenica da danskih investicija skoro da nema u BiH, g. Alispahić je naveo da je bh. strana propustila značajne prilike u vrijeme kada je Danska imala ambasadu u BiH za poboljšanje ekonomskih odnosa, te da su određeni danski investitori bili zainteresirani za drvni sektor, ali da uvjeti bh. poslovanja nisu bili prihvatljivi za njihovu planiranu investiciju. G. Milinić je predstavio aktivnosti koje FIPA provodi u okviru svojih nadležnosti, sa posebnim osvrtom na uspostavljene kontakte sa ciljnim grupama u posljednja tri mjeseca, te istakao potrebu veće suradnje između institucija i dijaspore na svim poljima. FIPA je iskazala spremnost za pružanje neophodne pomoći svim potencijalnim stranim investitorima koji žele investirati u BiH, uključujući i dijasporu sa kojom će Agencija jačati suradnju tokom ove godine. Dogovoreno je da se u dijaspori u Danskoj sagledaju mogućnosti za iznalaženje novih kontakata sa potencijalnim investitorima koji će biti upućeni FIPA-i, i to kako sa poslovnim ljudima iz dijaspore tako i sa Dancima, naročito u sektorima poljoprivrede, turizma i drvne industrije.



TRGOVAČKO-EKONOMSKI SAVJETNIK AMBASADE NARODNE REPUBLIKE KINE U BIH U FIPA-I



Trgovačko-ekonomski savjetnik Ambasade Narodne Republike Kine u BiH g. Lei Jianzhong i direktor Agencije za unapređenje stranih investicija BiH (FIPA) Gordana Milinić razgovarali su o učešću kineske privredne delegacije, koja će brojati 200 članova, na predstojećem Sarajevu Business Forumu (SBF), a koji predstavlja, po mišljenju sugovornika, veliku šansu za rast ekonomske suradnje između dvije zemlje i kineskih investicija u BiH.

G. Jianzhong je najavio i učešće kineskih kompanija na Mostarskom sajmu privrede na štandu od 250m², koji također predstavlja značajnu mogućnost za povećanje obima ekonomske suradnje, uspostavljanje novih kontakata i povezivanje privrednika dvije zemlje i regiona.

Također je govorio o 2. China-CEEC Investment and Trade Expo-u koji će se održati u Ningbou u Kini od 8. do 12. juna 2016. godine. U okviru ovog sajma će biti organiziran Ministarski forum o investiranju i trgovini na kojem će se predstaviti zemlje iz programa Kina + 16 na kojem će učestvovati i predstavnici iz Bosne i Hercegovine.

Direktor Milinić je istakao da su dosadašnje kineske investicije u BiH na niskom nivou, te da kineski investitori učestvuju u nekoliko projekata u BiH kao partneri sa drugim investitorima, javnim ili privatnim kompanijama i da ih finansijski podržavaju kineske banke, te da će FIPA iskoristiti predstojeća privredna dešavanja u BiH i inostranstvu za povećanje kineskih investicija.

S obzirom na skroman iznos kineskih investicija, ono što ohrabruje jeste veliki interes kineskih kompanija za elektroenergetske projekte u BiH, o čemu svjedoče njihove posjete FIPA-i.



NAČELNIK OPĆINE GRADIŠKA POSJETIO FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je sa načelnikom Općine Gradiška Zoranom Latinovićem o mogućnosti suradnje na polju prikupljanja investicijskih projekata i identificiranju novih poslovnih mogućnosti kojima Općina raspolaže.


Kao neke od prednosti poslovanja na ovom području, g. Latinović je istakao da je Gradiška povoljna geostrateška pozicija s obzirom da je u njoj lociran najveći i najznačajniji granični ulaz iz Europe u BiH, da ima povoljan geotransportni položaj, te da je Gradiška ispresijecana važnim komunikacijama koje je povezuju na sjeveru sa auto-putem Beograd-Zagreb.

Ono što odlikuje potencijale ove Općine su raspoloživost poljoprivrednog zemljište i šuma. Intenziviran je razvoj poljoprivrede, izgradnja savremenih farmi, kao i podizanje plantažnih voćnjaka.

Istakao je i Agro-industrijsku zonu Nova Topola u kojoj posluje 15 investitora, i čija ulaganja bi trebala iznositi 45 miliona KM. Jedan od značajnijih investitora koji posluje na ovom području jeste italijanska firma koja se bavi proizvodnjom termo-izolacionih panela i koja je do sada uložila 15 miliona KM.

Kada je u pitanju proizvodnja voća, godišnje proizvedu 50.000 tona kvalitetnog voća, a većinu proizvoda izvoze na rusko tržište. Posjeduju savremene hladnjače čiji su kapaciteti 15.000 tona.

Direktor Milinić je informirao načelnika o planiranim aktivnostima Agencije za 2016, podršci koju FIPA-i pružaju strane ambasade i privredna predstavništva u BiH, Vijeće ministara BiH, privredne komore, Vijeće stranih investitora i drugi. Također je pozvao načelnika da dostavi sve raspoložive projekte kako bi ih FIPA uvrstila u svoju bazu projekata, a potom nudila zainteresiranim investitorima.



FIPA I VTK DOVODE JAPANSKE BIZNISMENE U BIH



U dogovoru sa Ambasadom Japana u BiH, Agencija za unapređenje stranih investicija u BiH – FIPA i Vanjskotrgovinska komora BiH su organizirali sastanak u Sarajevu sa g. Hirofumi Onom, generalnim direktorom Japanske organizacije za vanjsku trgovinu (JETRO) sa sjedištem u Beču, i suradnicima kako bi razgovarali o detaljnim pripremama vezanim za dolazak po prvi put velike delegacije japanskih privrednika u trodnevnu posjetu BiH početkom oktobra ove godine. Cilj posjete je privlačenje direktnih stranih investicija u BiH iz Japana, odnosno uključenje najuspješnijih japanskih firmi u privredne tokove u BiH. Na sastanku je dogovoren program posjete koji podrazumijeva najprije predavljanje ekonomske situacije u BiH i okruženja za investiranje, pregleda stranih ulaganja sa osvrtom na najznačajnije zemlje investitore i najuspješnije investicijske projekte, a potom će uslijediti predavljanje mogućnosti za ulaganje i raspoloživih investicijskih projekata iz svih privrednih sektora u BiH, počev od energetike, poljoprivrednog sektora, metalnog, drvnog, itd.

U okviru ove posjete, japanski privrednici će posjetiti nekoliko uspješnih bh. firmi domaćih i stranih kako bi se direktno upoznali sa načinom rada i uvjetima u kojima se odvija njihova privredna djelatnost. Također, će biti upriličena i posjeta bh. znamenitostima.

Dolazak navedene privredne delegacije predavljanja značajan iskorak u naporima nadležnih institucija da privuku u BiH strana ulaganja iz Japana.



SASTANAK PREDSTAVNIKA FIPA-E I PRIVREDNE KOMORE FBiH



Direktor FIPA-e Gordan Milinić i predsjednik Privredne komore FBiH Mirsad Jašarspahić sa suradnicima razgovarali su o novim mogućnostima suradnje između dvije institucije, zajedničkim aktivnostima na pronalasku stranih investitora, kao i zajedničkim nastupima na privrednim manifestacijama u BiH na kojima se predstavljaju mogućnosti bh. privrede i investicijski projekti. Konstatirano je da obje institucije dijele zajednički posao i da su u svom radu upućene jedna na drugu, da će razmijenjivati informacije o projektima i potencijalnim investitorima, te da će između ostalog zajednički raditi na pronalasku strateških investitora za određena bh. preduzeća.

G. Jašarspahić je podržao rad Agencije i istakao da će komora biti na usluzi FIPA-i u budućim aktivnostima. Direktor Milinić je istakao potrebu da se uspostavi što više kontakata sa potencijalnim stranim investitorima, i da se koriste sve mogućnosti i šanse za privlačenje stranih investicija.



KONSULTANT IZ SAD ALEX BOYD POSJETIO FIPA-U



Alex Boyd, konsultant iz oblasti poslovne strategije i ekonomskog razvoja iz SAD, razgovarao je sa direktorom Gordanom Milinićem i suradnicima o projektima koje je realizirao u posljednjih nekoliko godina u BiH. G. Boyd trenutno sprovodi istraživanje o ulaganjima dijasporu u BiH, o suradnji koja postoji između institucija BiH i dijasporu, te o načinu na koji se surađuje sa dijasporom i načinu na koji se dijaspora ohrabruje da investira u BiH.

Predstavljajući trenutnu ekonomsku situaciju u zemlji, direktor Milinić je istakao da su nam svi kontakti dobrodošli, a posebno kontakti sa dijasporom sa kojom FIPA dugi niz godina kontaktira i surađuje.

Direktor se osvrnuo na značaj bh. dijasporu, s obzirom na njihov značajan broj u inostranstvu, na njihovo stečeno znanje i vještine, poslovne kontakte koje su ostvarili u inostranstvu kroz njihovo djelovanje i rad, kontakte sa institucijama zemalja u kojima djeluje, te kapital i poslovne rezultate po kojima je veliki broj postao prepoznatljiv u inostranoj poslovnoj zajednici. Naglašeno je da potencijali bh. dijasporu nisu u dovoljnoj mjeri iskorišteni, te da je jedan od glavnih zadataka FIPA-e u 2016 uspostavljanje šire suradnje sa dijasporom na čemu su već započete aktivnosti.

G. Boydu je uručen promotivni materijal FIPA-e koji sadrži, osim glavnih informacija o mogućnostima za ulaganje, i trenutno raspoložive investicijske projekte. Također je pozvan da potencijalne kontakte zainteresirane za poslovanje u BiH, uputi Agenciji.



DIREKTOR FIRME NATURAL FOOD D.O.O. VITEZ U FIPA-I



Direktor Agencije za unapređenje stranih investicija BiH (FIPA) Gordana Milinić i suradnici razgovarali su sa direktorom kompanije Natural food d.o.o. Vitez g. Goranom Papićem, i predstavnikom Općine Vitez g. Arminom Varupom o preprekama sa kojima se ova firma suočava na putu širenja svojih poslovnih kapaciteta.

Natural food je švedska investicija, koja se bavi otkupom jagodičastog i bobičastog voća sa sjedištem u Vitezu. Hladnjače posjeduju u Vitezu, Željeznom Polju, Bugojnu, Srebrenici i na drugim lokacijama, a posluju sa preko 1500 kooperanata. Izvorno su orijentirani 100%.

Firma je planirala uzeti pod zakup 48 hektara zemljišta na teritoriji Općine Vitez u vlasništvu Poljoprivrednog dobra „PD Vlašić“ radi proširenja poslovanja, što bi predstavljalo investiciju od 2 miliona eura i zapošljavanje novih 30-40 radnika. No međutim u toj namjeri naišla je na administrativnu prepreku sa odugovlačenjem donošenja odluke o davanju pod zakup navedene površine. Predstavnici FIPA-e su se uključili u rješavanje problema investitora na način da će pored predstavnika Općine Vitez, o navedenom problemu informirati nadležna ministarstva poljoprivrede, vodoprivrede i šumarstva na kantonalnom i federalnom nivou sa ciljem rješavanja navedene problematike, uzimajući u obzir značaj zapošljavanja svakog novog radnika pri trenutnoj ekonomskoj situaciji u zemlji.



CONSULTING GROUP SA IZ BEČA U FIPA-I



Predstavnici Consulting Group SA iz Beča posjetili su FIPA-u i razgovarali sa direktorom Gordanom Milinićem i suradnicima o uslugama koje ova konsultantska firma pruža, s posebnim osvrtom na usluge procjene rizika na finansijskim tržištima i kreiranju održivih projekata iz privatno-javnog partnerstva sa fokusom na obnovljivu energiju, utopljanje i upravljanje otpadom.

Predstavljajući glavne aktivnosti FIPA-e u 2016. godini, direktor Milinić je iskazao spremnost Agencije da surađuje sa svim uspostavljenim kontaktima koji će doprinijeti poboljšanju ekonomske situacije u zemlji, uključujući i Group SA. Predstavicima navedene firme je uručen promotivni materijal FIPA-e sa raspoloživim projektima koji će oni analizirati i na osnovu iskazanog interesa nastaviti suradnju sa FIPA-om.

FIPA će pružiti sve potrebne informacije za kojima je iskazana potreba na sastanku.



MINISTAR ŠAROVIĆ POSJETIO FIPA-U



U petak 19. februara 2016. godine, podpredsjednik Vijeća ministara i ministar vanjske trgovine i ekonomskih odnosa BiH Mirko Šarović i saradnici održali su sastanak sa rukovodstvom Agencije za unapređenje stranih investicija u BiH (FIPA) na čelu sa direktorom Gordanom Milinićem i članovima Upravnog odbora Agencije. Na sastanku se razgovaralo o budućoj saradnji Ministarstva i Agencije FIPA u stvaranju povoljnog poslovnog okruženja za privlačenje stranih investicija. Ministar Šarović je istakao da je potrebno da sve nadležne institucije u BiH počev od Ministarstva, FIPA-e, privrednih komora i FIC-a zajednički rade na unapređenju poslovnog ambijenta i konkurentnosti BiH u narednom periodu, kako bi se izbjegle paralelne aktivnosti više nadležnih sa slabim učincima, što je bio slučaj prethodnih godina. Analizirane su slabosti i poteškoće poslovnog ambijenta u BiH na čijem unapređenju će se zajednički raditi tokom 2016. godine sa ciljem povećanja stranih investicija, poboljšanja standarda građana BiH i ekonomskog oporavka zemlje. Direktor Milinić je istakao da će rad Agencije u 2016 karakterizirati pronalazak stranih investitora i uspostavljanje novih kontakata sa udruženjima privrednika u inostranstvu. Takođe je naveo da su određene kineske firme zainteresirane za termoelektreane u BiH, da su Japanci zainteresirani za energetske projekte, drvnu industriju, poljoprivredu i proizvodnju hrane, da su Brazilci zainteresirani za poljoprivredu, te da se radi na uspostavljanju veće suradnje sa njemačkim i američkim investitorima. Branimir Muidža, predsjednik Vijeća stranih investitora BiH (FIC), je rekao da su politička nestabilnost, birokracija i porezi, parafiskalni nameti, dugotrajne procedure za izdavanje određenih dozvole prepreke za strane investitore u BiH. Naveo je primjer da mu je za otvaranje cementare na koridoru Vc potrebno obezbijediti 11 dozvola, a da izdavanje dozvole traje šest mjeseci. Takođe je naveo činjenicu da niko od investitora koji okuplja ovo udruženje nije izgubio svoj kapital u BiH i da je veći broj spreman na reinvestiranje.

Zaključci sastanka su slijedeći:

- Ministarstvo vanjske trgovine i ekonomskih odnosa BiH je dalo punu podršku radu Agencije
- Koodinirat će se zajednički nastupi nadležnih institucija na promociji BiH i poboljšanja poslovnog ambijenta
- FIPA će analizirati prepreke u poslovnom okruženju i dostavljat će ih nadležnim na razmatranje i usvajanje



DIREKTOR KOMPANIJE „DLB GROUP“ POSJETIO FIPA-U



Direktor Agencije FIPA Gordan Milinić i saradnici održao je sastanak 17. februara 2016. godine sa g. Ivanom Kindlerom von Knoblochom, direktorom kompanije „DLB Group“ za Španiju i ekspertom za privlačenje stranih investicija Fondacije „Jarl Hjalmarson“ iz Švedske.

„DLB Group“ je vodeća marketinška agencija koja pruža usluge iz domena digitalnih medija, trgovačkog marketinga, organiziranja promotivnih događaja, brendiranja, dizajna i PR-a.

Na sastanku je razgovarano o uspostavljanu suradnje u procesu privlačenja stranih investitora iz Španije u BiH. Predstavnici FIPA-e su upoznali g. Kindlera sa aktivnostima Agencije u procesu privlačenja stranih investitora, atraktivnim sektorima i projektima koji bi mogli biti interesantni potencijalnim investitorima. FIPA će dostaviti osnovne informacije o poslovnom ambijentu i investicijskim potencijalima Bosne i Hercegovine, kako bi g. Kindler mogao upoznati svoje klijente sa mogućnostima koje im se nude u BiH.

Dogovoreno je i da će predstavnici FIPA-e dobiti kontakte kompanija potencijalnih investitora iz Španije kako bi pripremili adekvatne projekte i informacije o lokacijama za investiranje, te organizovali posjetu Bosni i Hercegovini. Konstatovano je da bi se mogla ostvariti uspješna suradnja s obzirom na činjenicu da brojne španske kompanije traže nove lokacije za ulaganje.

Bosna i Hercegovina je vrlo blizu Europske unije, imamo kvalitetnu radnu snagu, atraktivne lokacije za investiranje, niske operativne troškove i brojne ugovore o slobodnoj trgovini.



NOVALIĆ I MILINIĆ: PRIVLAČENJE STRANIH INVESTICIJA – ZAJEDNIČKI ZADATAK



Na sastanku premijera Federacije BiH Fadila Novalića sa delegacijom Agencije za unapređenje stranih investicija u BiH (FIPA), koju je predvodio direktor Gordan Milinić dogovoren je niz zajedničkih aktivnosti Vlade Federacije BiH i FIPA na privlačenju stranih investicija u Bosnu i Hercegovinu u cilju smanjenja broja nezaposlenih i povećanju životnog standarda građana.

Vlada Federacije priprema sveobuhvatne reforme u oblasti poslovnog okruženja, koje će ubrzati bh. administraciju u pružanju usluga stranim investitorima, ubrzati registracije preduzeća, izdavanje radnih i građevinskih dozvola i drugih dokumenata. Zakonski se regulira sistem tzv. One-stop shop registracije preduzeća, te rad privrednih društava i rad privrednih sudova.

Direktor Milinić je upoznao premijera o poslovnim planovima FIPA-e, o podršci koju Agenciji pruža Vijeće ministara BiH i strane ambasade u BiH, kao i o uspostavljenim kontaktima sa potencijalnim stranim investitorima koji su posjetili FIPA-u i koji su iskazali interes za ulaganjem u BiH.

U ime Vlade FBiH premijer Novalić je izrazio punu podršku naporima FIPA na uspostavljanju kontakata i pronalasku stranih investitora, te istakao potrebu zajedničkog rada i suradnje na ovim pitanjima.

Premijer Novalić je predstavio plan FBiH da u Rajlovcu i Hadžićima uspostavi bescarinske zone. Vlada takođe priprema i pregled investicionog potencijala Federacije BiH, koji će biti od velike pomoći i FIPA-i u prezentiranju mogućnosti za investiranje stranim investitorima.

Posebnu pažnju FIPA će posvetiti i iznalaženju partnera za privatizacije kompanija „Bosnalijek“, „Aluminij“, „Sarajevo-osiguranje“, „Fabrika duhana Sarajevo“ i „Energoinvest“.



SASTANAK FIPA - AGENCIJA ZA PRIVATIZACIJU FBiH



Direktor Agencije za unapređenje stranih investicija BiH Gordan Milinić i suradnici posjetili su Agenciju za privatizaciju FBiH gdje su razgovarali sa zamjenikom direktora Dragom Vrbićem i pomoćnikom Fikretom Talićem o Planu privatizacije FBiH za 2016. godinu.

Direktor Milinić je ukratko prezentirao Plan rada FIPA-e za 2016 sa akcentom na već uspostavljenu suradnju sa ambasadama i privrednim predstavništvima u BiH i potencijalnim stranim investitorima iz različitih zemalja. Također je spomenuo i predstojeću Međunarodnu investicijsku konferenciju „Sarajevo Business Forum 2016“ (SBF) koja je ove godine spojena sa forumom „Kina + 16 zemalja JI Europe“ i biće najveći događaj u jugoistočnoj Europi koji će okupiti više stotina potencijalnih investitora iz cijelog svijeta. SBF predstavlja jedinstvenu priliku za ostvarivanje direktnih susreta i kontakata između nosilaca investicijskih projekata i potencijalnih stranih investitora.

Vrbić je u ime Agencije za privatizaciju izrazio punu podršku naporima FIPA da privuče što više stranih investicija u BiH, te predstavio Plan rada Agencije za privatizaciju, kao i predviđenu privatizaciju preduzeća u FBiH u 2016.

Konstatirano je da su ove dvije institucije na zajedničkom zadatku poboljšanja ekonomske situacije u zemlji, čemu će doprinijeti svaki novi angažman stranih investitora bilo kroz angažman u privatizaciji pojedinih preduzeća u BiH ili kroz druge oblike investicija.



FIPA: POTPISAN SPORAZUM SA CRNOM GOROM



Direktor Agencije za unapređenje stranih investicija u BiH (FIPA) Gordan Milinić i direktor Agencije Crne Gore za promociju stranih investicija Miloš Jovanović potpisali su, danas 22. marta u Podgorici, Memorandum o razumijevanju između ove dvije institucije. Memorandumom se predviđaju zajedničke aktivnosti na promoviranju investicijskih mogućnosti dvije zemlje, poticanju aktivnosti sa ciljem poboljšanja ekonomskih odnosa, te razmjena iskustava, informacija i publikacija u promoviranju stranih ulaganja. Obje strane će se međusobno podržavati prilikom organiziranja poslovnih misija i istraživanja tržišta i promovirat će interese privrednih subjekata u svojim zemljama.

Cilj je također osnaživanje međusobne suradnje kroz organiziranje sajmova, poslovnih susreta i ostalih privrednih događaja u Crnoj Gori i Bosni i Hercegovini.

Ovaj Memorandum je potpisan na period od deset godina.



EKONOMSKI SAVJETNIK AMBASADE AUSTRIJE U FIPA-I



Direktor Agencije za unapređenje stranih investicija u BiH (FIPA) Gordan Milinić i saradnici razgovarali su sa ekonomskim savjetnikom Ambasade Austrije u Sarajevu Sigmundom Nemetijem o novim mogućnostima razvoja postojeće dobre suradnje između dvije institucije.

G. Nemeti je informirao direktora Milinića o predstojećoj konferenciji pod nazivom „Austria connects Southeast Europe“ koja će se održati u Zagrebu 18. i 19. maja 2016. godine, a koju organiziraju Trgovinski odjeli Ambasada Austrije u zemljama jugoistočne Europe.

U okviru panel diskusije posvećene BiH, predviđeno je da predstavnik FIPA-e održi prezentaciju o mogućnostima investiranja u BiH.



SASTANAK FIPA-BBI



Direktor Agencije za unapređenje stranih investicija u BiH (FIPA) Gordan Milinić i predstavnici BBI razgovarali su o budućoj zajedničkoj suradnji na privlačenju stranih investitora u BiH i promoviranju raspoloživih investicijskih projekata, s obzirom da je zajednički cilj dviju institucija ostvarivanje mogućnosti za zapošljavanje ljudi i pokretanje novih djelatnosti i posla, te o predstojećoj Međunarodnoj investicijskoj konferenciji „Sarajevo Business Forum 2016“ (SBF).

Konferencija je prvi put organizirana 2010. godine i od tada se održava svake godine. Konferencija okuplja sa jedne strane poslovne ljude i vlasnike projekata iz Bosne i Hercegovine, Albanije, Hrvatske, Makedonije, Crne Gore, Srbije i Slovenije i sa druge strane potencijalne investitore iz više zemalja svijeta, što predstavlja platformu za poslovno povezivanje i istraživanje mogućnosti ulaganja u regiji jugoistočne Europe.

Ovogodišnji forum će biti fokusiran na sektore infrastrukture, poljoprivrede, energetike turizma i obrazovanja. Očekuje se značajno prisustvo investitora iz Ujedinjenih Arapskih Emirata, kao i delegacija iz četiri kineske provincije na čelu sa guvernerima i direktorima privrednih komora koje bi mogle brojati oko 150 ljudi.

Također u okviru foruma održat će se i Biznis forum „Kina + 16 zemalja srednje i jugoistočne Europe“.

Kao i prethodnih godina, FIPA će i ove godine učestvovati na ovoj manifestaciji na kojoj će održati dvije prezentacije o mogućnostima za ulaganje u BiH.

Na sastanku je zaključeno slijedeće:

- FIPA i BBI će potpisati Memorandum o razumijevanju sa ciljem zajedničkog rada na promoviranju postojećih investicijskih projekata i pronalasku investitora
- FIPA će potpisati u okviru SBF Memorandum o razumijevanju sa Agencijom za izvoz Dubajja
- FIPA će učestvovati na SBF u punom kapacitetu, održat će dvije prezentacije sa ciljem pronalaska novih stranih investitora



AFTERCARE POSJETA FIRMI BIOIL DOO DOBOJ



U okviru Aftercare programa za 2016. godinu, predstavnici FIPA-e, Općine Doboj i USAID-Sida GOLD projekta posjetili su firmu Bioil doo Doboj, sa porijeklom kapitala iz Turske (Grupacija Illa), i susreli se sa g. Ismetom Ozturkmenom, predstavnikom stranog investitora.

Firma Bioil doo je osnovana krajem 2015. godine i trenutno su u pripremi objekti za proizvodnju (proizvodne hale i mašine).

Osnovna djelatnost firme je proizvodnja nerafiniranog ulja, a vrijednost investicije iznosi 10 miliona KM. Plan je zaposliti 60 radnika do kraja aprila 2016. godine, kada se očekuje početak proizvodnje. Firma će u potpunosti izvoziti svoje proizvode u Tursku i istočnu Europu.

Planiraju također proizvodne pogone iz Makedonije prebaciti u BiH.



ODRŽAN POSLOVNI FORUM I B2B SUSRETI BIH-GRČKA



Poslovni forum i B2B susreti Bosna i Hercegovina – Grčka, koje su zajednički organizirali Ambasada Republike Grčke u BiH, Agencija za unapređenje stranih investicija u BiH (FIPA) i Vanjskotrgovinska komora BiH, održani su u prostorijama Vanjskotrgovinske komore Bosne i Hercegovine. Forumu je prisustvovalo 20 kompanija iz Grčke i 48 bh. kompanija, te je održano više od 70 sastanaka.

U plenarnom dijelu foruma prisutnima su se obratili g. Bruno Bojić, predsjednik Vanjskotrgovinske komore BiH, g. Bekiras Andreas, član Upravnog odbora Privredne komore Atine, g. Mirko Šarović, ministar vanjske trgovine i ekonomskih odnosa BiH kao i g. Dimitrios Mardas, zamjenik ministra vanjskih poslova Republike Grčke.

U nastavku Poslovnog foruma, prisutnim se obratio i g. Gordan Milinić, direktor Agencije za unapređenje stranih investicija u BiH (FIPA), koji je govorio o ulozi i zadacima Agencije, a gđa Slavica Korica, pomoćnik direktora, je održala prezentaciju o mogućnostima ulaganja u BiH.

O iskustvima poslovanja grčkih kompanija u BiH govorio je predstavnik kompanije Alpro Vlasenica.

U okviru B2B susreta obavljani su sastanci sa investitorima iz Grčke i date dodatne informacije od značaja za njihovo potencijalno ulaganje u BiH.



AMBASADOR FRANCUSKE POSJETILA FIPA-U



Ambasador Francuske u BiH N.J.E. Claire Bodonyi posjetila je Agenciju za unapređenje stranih investicija u BiH (FIPA) i razgovarala sa direktorom Gordanom Milinićem o mogućnostima za poboljšanje ekonomske suradnje između dvije zemlje.

Na sastanku je konstatirano da je u BiH registrirano nekoliko francuskih investicija od kojih je najznačajnija investicija grupacije „Lactalis“, da nekoliko bh. firmi rade za francuski modni brend Pierre Cardin i Mephisto, te da je i dalje nivo francuskih investicija jako nizak.

Ambasadorica Bodonyi je istakla da nažalost francuski investitori nisu previše zainteresirani za investiranje u BiH jer smatraju da je poslovni ambijent kompliciran, da pravni sistem ne ulijeva sigurnost, da je prisutna korupcija i da je bh. tržište malo. Također je navela da je imala veliki broj sastanaka sa nadležnim institucijama u BiH sa ciljem poboljšanja ekonomske suradnje i da ti sastanci nisu dali odgovarajuće rezultate zbog nedovoljne aktivnosti bh. sugovornika da poboljšanju određene stvari u zemlji.

Direktor Milinić je informirao ambasadoricu o aktivnostima Agencije na podršci stranih investitora i uspostavljanju kontakata sa potencijalnim investitorima, kao i o ostvarenoj suradnji sa stranim ambasadama i privrednim udruženjima u BiH. Kroz tzv. „Aftercare“ aktivnosti, FIPA preduzima aktivnosti na unapređenju poslovnog ambijenta i predlaže odgovarajuće mjere nadležnim ministarstvima.

Dogovoreno je da Ambasada Francuske i FIPA zajednički organiziraju aktivnosti na povećanju nivoa francuskih investicija u BiH. U suradnji sa francuskom agencijom za investicije „Business France“ i privrednim asocijacijama organizirat će se susreti sa potencijalnim investitorima za realizaciju projekata u BiH, a iskoristiće se i predstojeći sajmovi i biznis forumi. Ambasada će u suradnju uključiti i nekoliko francuskih regiona čija je privreda komplementarna sa bosanskohercegovačkom.



NJEMAČKA FIRMA FLIEGL TRAILER NAMJERAVA OTVORITI FABRIKU U BIH



Prilikom posjete Agenciji za unapređenje stranih investicija u BiH (FIPA), predstavnik njemačke firme Fliegl Trailer Tim Heise upoznao je direktora Gordana Milinića sa planovima da pokrene Grenfield investiciju u BiH, fabriku za proizvodnju ramova za prikolice, te da očekuje asistenciju Agencije na pronalasku pogodne lokacije u BiH površine oko 100 hektara. G. Heise je istakao da bi na početku zaposlio oko dvadesetak radnika i kasnije širio posao.

Firma Fliegl Trailer se bavi proizvodnjom ramova za prikolice i poluprikolice za kamione. Osim u Njemačkoj, svoje fabrike imaju u Mađarskoj i Španiji. Godišnje proizvode od 4500 do 5000 prikolica, i broje ukupno oko hiljadu zaposlenih.

FIPA je već uspostavila kontakte sa lokalnim zajednicama i uložiće maksimalne napore kako bi ovaj investitor započeo investiciju u što kraćem roku.



FIPA PARTNER OPĆINI ČELINAC NA ČELINAČKOM SAJMU PRIVREDE



Direktor Agencije za unapređenje stranih investicija u BiH (FIPA) Gordan Milinić razgovarao je sa direktorom Razvojne agencije Općine Čelinac Aleksandrom Brankovićem o privrednim mogućnostima Općine, projektima kojima raspolaže, kao i privrednom sajmu koji će se održati u Čelincu krajem septembra 2016.

Govoreći o privrednim aktivnostima u Općini, g. Branković je istakao strana preduzeća Metal Nova i General Still kao značajnije firme koje su u potpunosti izvozno orijentirane. Upoznao je direktora Milinića o aktivnostima vezanim za organizaciju 5. Regionalnog sajma privrede, poljoprivrede i turizma Čelinac koji će se održati 15. i 16. septembra ove godine.

U 2015. godini na sajmu je bilo 158 izlagača, a cilj je da on svake godine bude uspješniji i da postane najvažnije privredno dešavanje u Republici Srpskoj. Fokus sajma u 2016. bit će stavljen na energetiku i građevinarstvo.

FIPA je prihvatila poziv organizatora da bude partner Općini u organizaciji ove manifestacije.



AMBASADOR ŠVICARSKE U FIPA: ŠVICARSKI BIZNISMENI DOLAZE U BIH U MAJU



Ambasador Švicarske u BiH N.J.E. Heinrich Maurer posjetio je Agenciju za unapređenje stranih investicija u BiH (FIPA) i razgovarao sa direktorom Gordanom Milinićem o aktivnostima Ambasade i mogućnostima za povećanje švajcarskih investicija u BiH.

Izrazio je punu podršku radu FIPA ističući da je zajednički cilj FIPA i Ambasade Švicarske poboljšanje ekonomske situacije u BiH, stvaranje novih radnih mjesta i poboljšanje standarda građana.

Kao uspješne primjere švicarskih investicija, ambasador je naveo firmu Bontex iz Maglaja koja posluje u oblasti tekstilne industrije, Standard Prnjavor koji posluje u oblasti drvene industrije, kao i firme Juwal, Vitaminka i Wagner Automotiv, ističući da je vrlo važno da ovi investitori imaju podršku nadležnih institucija kako bi se oni širili i ostali u zemlji. Međutim, švicarske firme traže unapređenje poslovnog ambijenta u BiH, dajući primjedbe na rasprostranjenu birokratiju, često nejednak tretman stranih investitora u poređenju sa domaćim, korupciju, dugotrajno čekanje na sudske odluke.

Strani investitori koji već posluje u zemlji su najbolji promotori BiH u poslovnom svijetu, stoga oni moraju imati povjerenje u domaće institucije i vidjeti ozbiljnu opredijeljenost nadležnih institucija da budu na usluzi stranim ulagačima.

Direktor Milinić se zahvalio ambasadoru na dosadašnjem angažmanu oko švicarskih investicija, jer Švicarska zauzima 7. mjesto na ljestvici zemalja stranih investitora u BiH, te istakao da sigurno uz obostrani angažman postoji prostor za povećanje švicarskih investicija u BiH. Upoznao je ambasadora sa trenutnim aktivnostima Agencije na pronalasku kontakata sa potencijalnim investitorima, uspostavljanju suradnje sa ambasadama u BiH i bh. ambasadama u inostranstvu, aktivnostima u suradnji sa nadležnim institucijama na jačanju ekonomske diplomatije, te kontaktima preko dijaspore (u Švicarskoj živi preko 60 hiljada bh građana).

Dogovoreno je da Ambasada Švicarske i FIPA zajednički rade na otklanjanju barijera koje se ukažu pred švicarskim investitorima, da organizuju posjete sajmovima i privrednim manifestacijama, te susrete sa potencijalnim investitorima iz Švicarske.

Velika delegacija švicarskih biznismena doći će u BiH tokom mjeseca maja.



PREDSTAVNICI FIPA-E ODRŽALI SASTANAK U FEDERALNOM MINISTARSTVU RAZVOJA, PODUZETNIŠTVA I OBRTA



16.marta 2016. godine, predstavnici Agencije za unapređenje stranih ulaganja Ana Kvesić i Marija Crnjac održali su sastanak sa g. Seadom Džiho, predstavnikom Federalnog ministarstva razvoja, poduzetništva i obrta.

Tema sastanka je bila dobijanje potrebnih informacija o poslovnim i slobodnim zonama u Federaciji Bosne i Hercegovine koje bi se mogle ponuditi potencijalnim stranim ulagačima.

U FBiH postoji nešto manje od 80 poslovnih zona. Od ovog broja, njih desetak nije aktivno, dok je kod ostalih zona stepen aktivnosti različit. Problem u razvoju radnih kapaciteta u poslovnim zonama predstavlja sporo rješavanje imovinsko-pravnih odnosa između jedinica lokalne samouprave kao vlasnika zemljišta prije njegove prodaje zainteresiranim ulagačima.

Imajući u vidu ekonomsku situaciju u FBiH, zaključeno je da je neophodno iskorištavanje svih kapaciteta koji će doprinijeti privrednom razvoju. Poslovne zone su svakako jedne od mogućnosti koje se u tom kontekstu trebaju forsirati kroz suradnju svih nivoa vlasti.

FIPA će nastaviti raditi na promociji poslovnih zona budući da one predstavljaju značajan instrument privlačenja investitora.



POSJETA DIREKTORA NJEMAČKE KOMPA NIJE FEN-BH



Direktor Agencije za unapređenje stranih investicija u BiH (FIPA) Gordan Milinić razgovarao je sa direktorom njemačke kompanije FEN-BH Lukavac Norbertom Joswigom o poslovanju kompanije u BiH, budućim planovima i aktivnostima na širenju proizvodnje. Firma FEN-BH je osnovana 1997 godine u Puračiću kod Lukavca. Bave se proizvodnjom latoflex ležajeva i namještaja za spavanje, posebno za boxspring krevete. Cjelokupnu proizvodnju izvoze diljem svijeta, a trenutno broje 180 zaposlenih.

Tokom majskih poplava 2014, pretrpjeli su veliku štetu, zbog kojih su bili prinuđeni prekinuti proizvodnju. Broj radnika sa 320 je smanjen na 180, a prekid proizvodnje je trajao do septembra 2014.

Zahvaljujući naporima g. Joswiga i pomoći Razvojne banke FBiH, firma FEN-BH je nastavila proizvodnju u septembru 2014. Ponovo su uspostavili suradnju sa kupcima iz EU sa kojima su surađivali prije poplava, te u međuvremenu uspjeli pronaći i nove kupce na tržištu Holandije i Njemačke.

FEN-BH nastavlja sa rastom proizvodnje, brojem zaposlenih i povećanjem izvoza, te se do kraja godine očekuje povećanje proizvodnje od 30% u odnosu na 2015.

FEN-BH je i društveno odgovorna kompanija koja svojim aktivnostima doprinosi razvoju lokalne zajednice.

Direktor Milinić je istakao da FIPA ima dobru suradnju sa Ambasadom i Privrednom komorom Njemačke u BiH, da Agencija priprema poslovni vodič za njemačke privrednike koji će se distribuirati putem privrednih komora u Njemačkoj i Ambasade i konzulata BiH u Njemačkoj ciljnim grupama investitora.

Pozvao je g. Joswiga da informira suradnike iz EU o mogućnostima BiH za ulaganje i da uputi potencijalno zainteresirane njemačke privrednike FIPA-i.

Agencija će nastaviti suradnju sa navedenom firmom.



DIREKTOR UREDA RAZVOJNE BANKE KfW U SARAJEVU POSJETIO FIPA-U



Direktor ureda Razvojne banke KfW u Sarajevu Matthias Schmidt-Rosen posjetio je FIPA-u i razgovarao je sa direktorom Gordanom Milinićem o projektima koje će KfW finansijski podržati u BiH, te naglasio da su obezbijedena sredstva u visini od 60 miliona EUR za Vjetroelektranu „Hrgud“. Time KfW nastavlja podršku elektroenergetskim projektima u BiH, nakon vjetro parkova Mesihovina i Podveležje za koje su ugovori potpisani u visini od 72 i 65 miliona eura.

KfW je također finansijski podržavala projekte odvodnje, prečišćavanja otpadnih voda i vodosnabdijevanja u Bihaću, Zenici, Tuzli i Banja Luci, a sve na osnovu Sporazuma o suradnji kojeg potpisuje Vlada Njemačke i Vijeće ministara BiH.

Direktor Milinić je istakao da je posao privlačenja stranih investicija složen posao, da zahtjeva zajednički angažman nadležnih institucija BiH, da FIPA razgovara sa potencijalnim investitorima, da prezentira investicijske projekte da surađuje sa stranim ambasadama u BiH, kao i sa ambasadama BiH u inostranstvu radi pronalazaka novih kontakata i potencijalnih investitora. Direktor je naveo da FIPA radi zajedno sa Vijećem ministara BiH na otklanjanju prepreka za investitore i da je zajednički cilj smanjenje nezaposlenosti u zemlji i poboljšanje životnog standarda građana, te je pozvao g. Rosena da potencijalne investitore uputi Agenciji.

Direktor Schmidt-Rosen je izrazio punu podršku radu FIPA-e, i istakao da će i KfW preko svojih linija nastojati što više njemačkih kompanija animirati za ulaganja u BiH.



PREDSTAVNICI 14 MEDIJA ZEMALJA EU POSJETILI FIPA-U



Direktor Agencije za unapređenje stranih investicija u BiH (FIPA) Gordan Milinić i saradnici primili su predstavnike 14 medija iz zemalja EU kojima su predstavljeni privredni sektori BiH koji bi mogli privući strane investicije.

Direktor Milinić se zahvalio novinarima na posjeti i istakao da su posjetili glavnu adresu u zemlji za dobijanje informacija o mogućnostima za ulaganje u BiH. Predstavio je ukratko aktivnosti Agencije na polju privlačenje stranih ulaganja i promoviranja BiH kao lokacije za investiranje i suradnju koju FIPA ima sa postojećim stranim investitorima u BiH.

Dat je pregled stanja stranih ulaganja u BiH, sa osvrtom na zemlje najznačajnije investitore, istaknuti su razlozi zbog kojih je BiH povoljna destinacija za ulaganje, te su potom prezentirani sektori turizma, energetike, poljoprivrede, metalni i tekstilni sektor, ICT, industrija auto-dijelova i drvni sektor sa osnovnim informacijama o svakom sektoru, potencijalima i projektima u koje bi se moglo investirati.

Novinarima se obratio i g.Branimir Muidža, generalni direktor HeidelbergCement Group za BiH i Hrvatsku i predsjednik Vijeća stranih investitora BiH. G. Muidža je govorio o poslovnom ambijentu u BiH i svom iskustvu u poslovanju, kao i prednostima i poteškoćama sa kojima se susreću strani ulagači u BiH.

Prisutnima se obratio i g. Valentin Ilievski, direktor Messera BH Gas i Messera Tehnoplina BiH i član Upravnog odbora Vijeća stranih investitora BiH, predstavljajući pozitivne primjere iz poslovanja i svoje iskustvo kao jednog od najuspješnijih investitora u našoj zemlji.

Posjeta predstavnika medija BiH je organizirana u okviru projekta Direktorata Europske komisije za susjedsku politiku i pregovore o proširenju sa ciljem boljeg informiranja javnosti u zemljama EU o stanju u zemljama kandidatima i potencijalnim kandidatima za članstvo u EU, kao i o mogućnostima za ulaganje u ovim zemljama.

Predstavnici medija koji su posjetili FIPA-u su : Wiener Zeitung -Austrija, WirtschaftsBlatt-Austrija, Deutsche Welle-Njemačka, Népszabadság-Mađarska, La Stampa-Italija, East Journal-Italija, Information-Danska, Iltalehti-Finska, YLE Radio-Finska, ERT-Greek radio television-Greece, Gazeta Wyborcza-Poland, Evenimentul Zilei-Romania, La Razon-Spain i Tageblatt-Luxembourg.

Sastanku su prisustvovali također predstavnici Direktorata Europske komisije za susjedsku politiku i pregovore o proširenju. Po okončanju susreta, novinarima su podijeljeni promotivni materijali FIPA-e i Vijeća stranih investitora u BiH (FIC).



AMBASADOR KRALJEVINE HOLANDIJE U BIH POSJETIO FIPA-U



Ambasador Kraljevine Holandije u BiH Nj.E. Jurriaan Kraak posjetio je Agenciju za unapređenje stranih investicija u BiH (FIPA) i razgovarao sa direktorom Gordanom Milinićem i njegovim suradnicima o mogućnostima unapređenja ekonomske suradnje između dvije zemlje i privlačenja holandskih investitora u BiH.

Direktor Milinić je istakao da se Kraljevina Holandija nalazi na 8. mjestu zemalja stranih ulagača u BiH sa 235 miliona eura investiranih do sada, da bi ovaj iznos mogao biti veći i da će FIPA zajedno sa ostalim nadležnim institucijama u BiH raditi na unapređenju poslovnog ambijenta sa ciljem privlačenja novih investicija, uključujući i holandske investicije.

Među značajnijim holandskim investitorima u BiH nalaze se Marbo doo, Top-Farm doo, Tropic doo, Euromedic Cancer Treatment Center, itd.

Holandska firma „Napco Beds Factory d.o.o. Petrovo“, izabrana je kao najznačajniji strani investitor za 2013. godinu u kategoriji - „Otvaranje novih radnih mjesta“.

Na sastanku je dogovoreno da FIPA pripremi prezentaciju o bh. poljoprivrednom sektoru koju će potom Ambasada dostaviti Privrednoj komori Holandije radi daljeg prosljeđivanja ciljnim grupama, firmama potencijalnim investitorima.

Direktor Milinić je pozvao ambasadora da uputi potencijalne investitore Agenciji koja je spremna pružiti punu podršku implementaciji investicije počev od registracije preduzeća pa do okončanja projekta.



POSJETA FIRMI AUTOMATIC SERVIS D.O.O. VISOKO



Predstavnica FIPA-e Tanja Bojović Simić zajedno sa predstavnicama Općine Visoko Suadom Koljenović i Dženitom Begić, te Osmanom Buza ispred Zeničko-dobojskog kantona posjetila je firmu Automatic Servis d.o.o. Visoko u sklopu Aftercare programa za 2016. godinu.

Automatic Servis egzistira od 1999. godine u BiH i 60% je u stranom vlasništvu (Slovenija). Firma se bavi trgovinom na malo, kao i prodajom toplih napitaka putem samouslužnih aparata.

Svoje poslovnice imaju širom BiH i ukupno broje 2600 aparata za koje lično obavljaju servisiranje i održavanje. Ukupno imaju 68 zaposlenih radnika. Direktor Čakić je zadovoljan poslovnim okruženjem u BiH, a usluge kooperanata, transporta i saradnika iz Bosne i Hercegovine ocjenjuje kao jako dobre.

Projekat postinvesticijske podrške u suradnji sa općinama i kantonima smatraju vrlo korisnim za sve strane investitore koji nailaze na poteškoće prilikom poslovanja.



POSJETA FIRMI NERZZ BEŠLAGIĆ D.O.O. VISOKO



Predstavnica FIPA-e Tanja Bojović Simić zajedno sa predstavnicama Općine Visoko Suadom Koljenović i Dženitom Begić, te g. Osmanom Buza ispred Zeničko-dobojskog kantona posjetila je firmu Nerzz Bešlagić d.o.o. Visoko u sklopu Aftercare programa za 2016. godinu.

Nerzz Bešlagić je porodična firma sa dugogodišnjom tradicijom poslovanja od 1984. godine, a u vlasničkoj strukturi bilježi 30% stranog kapitala porijeklom iz Malezije. Firma broji 40 zaposlenih bh. državljana, a osnovna djelatnost je proizvodnja i prodaja odjevnih predmeta od kože i krzna.

Ukupno imaju 9 poslovnica širom BiH pored glavne zgrade u Visokom gdje obavljaju proizvodnju odjevnih predmeta.



PREDSTAVNICI FIPA-E POSJETILI OPĆINU GACKO



Direktor Agencije za unapređenje stranih investicija BiH (FIPA) Gordan Milinić sa suradnicima posjetio je Općinu Gacko i susreo se sa načelnikom Milanom Radmilovićem i suradnicima.

Na sastanku su razmatrane mogućnosti za investiranje na području Gacka. Predložen je projekt izgradnje cementare, proizvodnje keramičkih proizvoda i građevinskih materijala na bazi pepela, kao i projekti koji se odnose na proizvodnju solarnih panela.

Razgovarano je i o mogućnosti iskorištenja poslovne zone na mjestu bivše fabrike tekstila.

Direktor FIPA-e Gordan Milinić je upoznao prisutne o misiji i planovima Agencije kao i podršci svih organa u BiH, ambasada u Sarajevu i BiH ambasada u inostranstvu.

Naglasio je da su glavni ciljevi FIPA-e dovođenje što je moguće više stranih investitora, otvaranje novih radnih mjesta i značajno povećanje priliva direktnih stranih ulaganja (koji bi prema planu Direkcije za ekonomsko planiranje trebao da bude od 880 do 930 miliona maraka). Zato je Agencija intenzivirala rad i pokrenula aktivnosti na ažuriranju baze podataka investicijskih projekata u koju će biti uključeni projekti Općine Gacko.



PREDSTAVNICI FIPA-E POSJETILI OPĆINU NEVESINJE



Direktor Agencije za unapređenje stranih investicija BiH (FIPA) Gordan Milinić sa suradnicima razgovarao je u Nevesinju sa predstavnicima lokalne uprave o stanju u oblasti privrede i projektima koji bi mogli biti ponuđeni potencijalnim investitorima. Načelnik Općine Momčilo Šiljegović informirao je predstavnike Agencije o trenutnim privrednim potencijalima i planovima u oblastima energetike, poljoprivrede, vodosnabdijevanja i razvoja tekstilne industrije. Na sastanku je dogovoreno da Općina pripremi projekte i inicijative javnog i privatnog sektora i prosljedi ih Agenciji koja će, dalje, u okviru svoje misije pokušati ostvariti kontakte sa stranim investitorima.

Direktor Milinić je naglasio da je FIPA pokrenula široku akciju prikupljanja informacija u općinama koje traže poslovne partnere za projekte iz oblasti privrede, s obzirom da FIPA ima zakazane susrete sa Brazilcima koji se interesiraju za poljoprivredu, japanskim biznismenima koje zanima industrijska proizvodnja i Italijanima zainteresiranim za obnovljive izvore energije.

Također je istakao da je FIPA opredijeljena da stvarnim ulagačima obezbijedi pojednostavljene procedure za pokretanje biznisa i da ih zaštiti od svih oblika korupcije.

Agencija će i preko ambasada i diplomatskih predstavništava BiH pomoći investitorima da istraže mogućnosti ulaganja u BiH. Na sastanku je razgovarano i o projektima iz oblasti saobraćajne infrastrukture.



PREDSTAVNICI FIPA-E POSJETILI HOTEL RUŽU I RIMECO DOO



11.03.2016 godine na poziv g. Ivica Sršena predstavnika firmi Rimeco doo i Hotela Ruža Mostar, predstavnici FIPA-e Amir Kazić, Ana Kvesić i Marija Crnjac obišli su lokacije poslovnih hala koje su u vlasništvu Rimeco doo Mostar, gdje su predstavljene mogućnosti za potencijalne strane ulagače.

Posjeduju pet poslovnih hala koje su prezentirali i za njih traže potencijalne strane ulagače.

Krenuli su sa obradom ukrasnog kamena, kao i sa pripremanjem zemljišta za uzgoj ljekovitog bilja.

Najava otvorenja Hotela Ruže doo planirana je na proljeće 2017 god. Hotel će činiti pet blokova A, B, C, D i E.

Objekt E je najmanji, a sastojat će se od mehaničkih postrojenja. Pristupni objekti će biti sadržani u bloku C, a sastojat će se od recepcije, restorana, spa-centar i sobe.

Objekt A činit će samo prostorije za prenoćišta, uz otvoreni bazen. Objekt B će sačinjavati dvije stotine soba. U objektu D će biti niz kongresnih dvorana i restoran.

Upošljavać će stotine novoupislenih u Mostaru i poboljšat će izuzetnu turističku ponudu Mostara.



GENERALNI SEKRETAR SAVEZA OPĆINA I GRADOVA RS POSJETIO FIPA-U



Direktor Agencije za unapređenje stranih investicija u BiH (FIPA) Gordan Milinić razgovarao je sa generalnim sekretarom Saveza općina i gradova RS Acom Pantićem o mogućnostima zajedničke suradnje na prezentaciji mogućnosti za ulaganje na područjima koje pokriva Savez, kao i kroz zajedničko učešće na projektima i manifestacijama kojima je cilj da unaprijede razvoj lokalnih zajednica.

G. Pantić se najprije zahvalio direktoru Miliniću na izdvojenom vremenu za sastanak. Objasnio je da Savez općina i gradova RS ima sjedište u Bijeljini i dvije kancelarije u Trebinju i Banjoj Luci, da su po Zakonu o lokalnoj upravi RS zakonski predstavnik lokalnih zajednica pred Vladom ovog entiteta, i da koordiniraju rad 64 općine i grada u RS-u. Da su u 2015. godini uz podršku Ambasade Švedske u BiH uradili Strategiju razvoja općina i gradova RS 2015-2019 koja pokriva sedam programskih oblasti među kojima je najznačajnija oblast lokalnog razvoja.

Direktor Milinić je istakao da je FIPA odlučna u namjeri da doprinese povećanju priliva stranih ulaganja u BiH, da je odlučno započela aktivnosti na traženju stranih investitora kroz sve vidove komunikacije i susreta, da Vijeće ministara BiH podržava rad Agencije i da je time bezuslovna opredjeljenost Agencija da doprinese poboljšanju životnog standarda bh. građana postala prioritet.

Na sastanku je takođe razgovarano o mogućnosti potpisivanja Memoranduma o razumijevanju između FIPA-e i Saveza. Dogovoreno je da će Savez dostaviti FIPA-i sve raspoložive investicijske projekte koje će Agencija potom predstavljati ciljnim grupama.



MINISTAR INDUSTRIJE, ENERGETIKE I RUDARSTVA TK POSJETIO FIPA-U



Ministar industrije, energetike i rudarstva Tuzlanskog kantona Srđan Mićanović razgovarao je sa direktorom Agencije za unapređenje stranih investicija u BiH (FIPA) Gordanom Milinićem o Global Ispat Koksnoj Industriji d.o.o. Lukavac (GIKIL), o trenutnoj situaciji u firmi, aktivnostima i performansama, kao i mogućnostima za unapređenje rada ove fabrike putem traženja strateškog partnera.

GIKIL ima oko hiljadu zaposlenih, i posjeduje četiri proizvodne fabrike: koksaru, fabriku mineralnih đubriva, fabriku anhidrid maleinske kiseline i Energanu. Osim proizvodnje visoko kvalitetnog koksa i nus proizvoda koksa kao što su sirovi benzol, sirovi katran i amonijum sulfat, kompanija takođe opskrbljuje europsko tržište i sa mineralnim đubrivima. Svoje proizvode izvoze na tržišta Austrije, Njemačke, Italije, Mađarske, Srbije, Hrvatske, itd.

Fabrika Enerjana, osim internog snabdjevanja električnom energijom, vrši isporuke i prema Elektroprivredi BiH, te proizvodi i distribuira dekarboniziranu, demineraliziranu i pitku vodu za potrebe GIKIL-a i građana Općine Lukavac.

Direktor Milinić se najprije zahvalio ministru Mićanoviću na posjeti, predstavio aktivnosti Agencije, ističući da je Novu 2016. godinu, FIPA započela vrlo odlučno i pragmatično u namjeri da ostvari što više kontakata sa potencijalnim stranim investitorima, kompanijama i udruženjima poslodavaca u inostranstvu sa ciljem da pokuša motivirati strane investitore da ulože novac u BiH. Rad FIPA-e na promoviranju BiH i traženju potencijalnih investitora ima podršku komora, privrednih udruženja, nadležnih institucija u BiH, stranih ambasada i bh. ambasada u inostranstvu. FIPA stoji na raspolaganju i Ministarstvu industrije, energetike i rudarstva Tuzlanskog kantona u pogledu pomoći za iznalaženje strateških partnera.



POSJETA FIRMI NATURAL FOOD D.O.O VITEZ



Predstavnik FIPA-e Tanja Bojović-Simić, zajedno sa Arminom Varupom iz Općine Vitez i Elmirom Crnica iz Srednjo-bosanskog kantona su posjetili Natural Food d.o.o. Vitez i razgovarali sa direktorom Goranom Papićem.

Kompanija se bavi otkupom i proizvodnjom jagodičastog i bobičastog voća, pretežno malina. U Bosni i Hercegovini su prisutni od 2014. godine i broje 32 stalno zaposlena radnika. Također imaju 17 radnika zaposlenih u hladnjači na području Željeznog Polja u Općini Žepče.

Švedski državljanin je vlasnik 55% firme, a ostatak vlasništva pripada državljanima BiH.

Investitor je zadovoljan poslovnim rezultatima u BiH, a u narednih godinu dana, planiraju reinvesticije i nova zapošljavanja.

Reinvesticija bi se odnosila, između ostalog, na rad i pripremu plantaže i najsavremenijeg rasadnika sa modernim sistemom za navodnjavanje.

U toku sezone Natural Food kompanija udvostruči broj radnika.



POSJETA FIRMI MAGO BH D.O.O VITEZ



U okviru "Aftercare" programa postinvesticione podrške stranim investitorima, predstavnici FIPA-e, Općine Vitez i Srednjo-bosanskog kantona su posjetili firmu MAGO BH d.o.o. Vitez i susreli se sa direktorom Josipom Žuljevićem koji je jedan od vlasnika firme sa 30% švajcarskog kapitala.

Firma je u Bosni i Hercegovini registrirana 2015. godine. Bavi se organskim uzgojem i proizvodnjom muškatne tikve, kao i proizvodima od muškatne tikve koji se koriste kao baza za gustu krem supu, sve vrste marmelade, dječju vrstu hrane i sve vrste sokova.

U ovom trenutku najvažnije je dobijanje Organskog certifikata i HACCAP certifikata.



POSJETA PREDSTAVNIKA MIPA-E



Predstavnici Agencije za promociju stranih investicija Crne Gore (MIPA) posjetili su FIPA-u i razgovarali o mogućnostima za unapređenje suradnje.

Razgovarano je o dosadašnjim iskustvima i aktivnostima agencija na promociji i privlačenju investitora i problemima sa kojima se susreću u svom radu.

Istaknuto je da bi trebalo raditi na poboljšanju suradnje između dvije agencije, kao i sagledati mogućnosti zajedničkih nastupa prema potencijalnim investitorima koji su zainteresirani za ulaganje u zemlje zapadnog Balkana.

Predstavnici FIPA-e su pozvali kolege iz MIPA-e da prisustvuju Međunarodnoj konferenciji "Optimal use of communication channels and Aftercare programs in process of FDI attraction" koju, u okviru Mostarskog sajma privrede, organizuje FIPA u suradnji sa Svjetskom asocijacijom agencija za promociju investicija – WAIPA.

Predloženo je da se razmotri mogućnost potpisivanja Memoranduma o suradnji između dvije agencije i upućen je poziv čelnicima FIPA-e da posjete MIPA-u i Crnu Goru.



DIREKTOR PREDSTAVNIŠTVA NJEMAČKE PRIVREDE U BIH (AHK) POSJETIO FIPA-U



Direktor Predstavništva njemačke privrede u BiH (AHK) Gunther Neubert posjetio je Agenciju za unapređenje stranih investicija u BiH (FIPA), da bi sa direktorom Gordanom Milinićem i njegovim suradnicima razgovarao o unapređenju saradnje njemačke i bosanskohercegovačke privrede i o povećanju njemačkih investicija u BiH.

Direktor Milinić je naglasio značaj uspostavljanja kontakata sa potencijalnim investitorima, navodeći da je glavni zadatak FIPA pronalazak novih investitora koji će otvarati nova radna mjesta u BiH, imajući u vidu visok procenat nezaposlenih. Stoga je pozvao g. Neuberta da sve potencijalne njemačke investitore uputi na FIPA-u koja će ih informirati o mogućnostima ulaganja i pratiti ih u svim fazama investiranja.

G. Neubert je informirao da će AHK organizirati tokom ove godine manifestacije na kojima će biti prezentirani investicijski potencijali BiH u određenim sektorima, te da će zajedno sa FIPA-om dogovarati i pripremati prezentacije. Najavio je učešće 20 bh.firmi na sajmu Hanover Messe u aprilu 2016., kao i dolazak privredne delegacije Njemačke u oktobru 2016. kada će se razgovarati o jačanju ekonomske suradnje i njemačkih investicija u BiH.

Dogovoreno je da FIPA napravi poslovni vodič na njemačkom jeziku za njemačke privrednike i investitore sa ciljem bolje prezentacije investicijskih mogućnosti bh. privrede unutar njemačke privredne zajednice. Vodič će u SR Njemačkoj biti distribuiran putem AHK i diplomatsko-konzularnih predstavništava BiH.



SASTANAK PREDSTAVNIKA FIPA-E I VTK-A



Direktor FIPA-e Gordan Milinić i predsjednik Vanjsko-trgovinske komore BiH Bruno Bojić sa suradnicima razgovarali su o unapređenju saradnje između dvije institucije, zajedničkim aktivnostima na privlačenju stranih ulaganja u BiH, kao i zajedničkim nastupima u BiH i u inostranstvu kada se predstavljaju mogućnosti bh.privrede i investicijski projekti.

Konstatirajući da obje institucije imaju za zajednički cilj jačanje privrede BiH i konkurentskih prednosti zemlje u privlačenju stranih investicija, učesnici sastanka su naglasili i potrebu sveobuhvatnih reformi u oblasti zakonodavstva, prije svega donošenja kvalitetnog radnog zakonodavstva i Zakona o privrednim društvima u BiH.

Direktor Milinić je istakao potrebu da se uspostavi što više kontakata sa potencijalnim stranim investitorima, i da se koriste sve mogućnosti i šanse za privlačenje stranih investicija.

Sugovornici su se složili da je potrebno ojačati rad ekonomske diplomatije BiH i odabrati iz privrede i privrednih asocijacija stručne savjetnike koji će raditi u okviru DKP mreže na razvoju privredne suradnje i traženju potencijalnih investitora, po uzoru na praksu susjednih zemalja.

Na sastanku je dogovoreno da će FIPA i VTK zajednički raditi na unapređenju poslovnog ambijenta i privlačenju stranih investicija.

POSLOVNE VIJESTI ≡



U SREBRENICI PRI KRAJU GRADNJA FABRIKE OD 4,5 MILIONA EURA



GRAD PRIJEDOR NA TOP 10 LISTI EUROPSKIH GRADOVA
TI REGIJA BUDUĆNOSTI ≡



...I JOŠ FIPA POSLOVNIH VIJESTI...



U SREBRENICI PRI KRAJU GRADNJA FABRIKE OD 4,5 MILIONA EURA

U mjestu Vidikovac kod Srebrenice privodi se kraju gradnja pogona površine od 4.300 kvadratnih metara, koja će davati godišnju proizvodnju od 7,5 tona pomfrita.

Fabrika će u prvoj fazi zapošljavati 50 radnika, a ukupna investicija je 4,5 miliona eura.

Investitori ove fabrike su kompanija "Global Trade Gida Sanay" iz Turske, "Total Trade Internacional" iz Srbije i privatnik Mirza Šahman iz BiH. Vlasnici većinskog kapitala su biznismeni iz Azerbejdžana.

Fabrika je zasnovana na japanskoj tehnologiji smrznutog pomfrita, a 70 posto proizvodnje plasirat će se na inostrano tržište.

Za planiranu proizvodnju pomfrita u dvije smjene ovoj fabrici trebat će 15.000 tona krompira godišnje. Za osiguranje ovih količina sirovine neophodno je zasijati 500 hektara zemljišta. Krompir se u našoj zemlji uzgaja na površini od 41.000 hektara s godišnjim prinosom od 387.000 tona. Stoga će ova kompanija, pored 50 zaposlenih, angažirati i skoro 60.000 kooperanata.



U TEŠNJU OZVANIČEN POČETAK RADA ONE-STOP SHOP UREDA


Početak rada One-stop shop ureda, koji podrazumijeva servis pružanja svih usluga vezanih za pokretanje poslovnih aktivnosti na jednom mjestu, svečano je ozvaničen u Tešnju. Taj servis prvi je te vrste u Federaciji Bosne i Hercegovine, a pokrenut je u općinama Tešanj, Žepče i Teslić.

Radi se o COBEAR projektu Europske unije (EU) koji zajednički implementiraju općine Tešanj, Teslić i Žepče, a finansira ga EU preko IPA fondova.

One-stop shop ured trebao bi olakšati postojećim i novim investitorima, domaćim i stranim, dobijanje svih potrebnih informacija na jednom mjestu, a koje se odnose najviše na registracije preduzeća, radnu snagu, te lokacije za gradnju.

“Ovo je nastavak suradnje naše tri općine, započet još 2012. godine. Sada se ta suradnja ostvaruje kroz projekat koji implementiraju TRA-Agencija za razvoj Tešanj, RAŽ Žepče, Općina Teslić i Udruženje privrednika Općine Tešanj. Kao partner za budućnost mi u Tešnju želimo biti regionalno prepoznatljivi i konkurentni”, kazao je načelnik Općine Tešanj Suad Huskić.

Dodao je da se uvođenjem One-stop shopova uvodi moderan pristup pokretanja i razvoja poslovanja, te da je to već odavno praksa u Europi.



BIH U MEĐUNARODNOJ ENERGETSKOJ POVELJI

Bosna i Hercegovina je u Briselu pristupila Međunarodnoj energetskej povelji kao 76. članica ove organizacije. Ova povelja je nasljednik Europske energetske povelje.

Ministar vanjske trgovine i ekonomskih odnosa BiH Mirko Šarović je istakao da je ovo značajno za BiH, da ne iziskuje finansijska sredstva niti političke obaveze, jednostavno, radi se o pridržavanju svjetskih globalnih energetskeh principa, zaštiti prirodnih resursa, okoline i pravilnom upravljanju energijom kao ključnim prirodnim resursom.

Povelja ima cilj uspostavljanje pravnog okvira za promoviranje dugoročne suradnje u oblasti energije.

Također, ova povelja doprinosi stvaranju povoljne klime za rad preduzeća i za priliv novih investicija.



TEŠANJSKI KISELJAK OSVOJIO PRVO MJESTO NA TAKMIČENJU U SAD-U

Bosanskohercegovačke kompanije još jednom su dokazale nadmoć u konkurenciji flaširanih mineralnih voda. Ovog puta, najviše nagrade osvojene su na prestižnom takmičenju u SAD-u.

Dvije vrste flaširane mineralne vode iz Bosne i Hercegovine odnijele su medalje na prestižnom takmičenju održanom u američkom Berkeley Springsu.

Na 26. međunarodnom takmičenju voda, flaširana mineralna voda Tešanjski kiseljak osvojila je prvo mjesto u kategoriji flaširanih mineralnih voda. Također, nagradu je osvojio i Celvik Dobri Kiseljak iz Tešnja, zauzevši treće mjesto u istoj kategoriji.

t



HISTORIJSKI ISKORAK: KOD NEVESINJA SE POČINJE GRADITI PRVI VJETROPARK U BIH

Izgradnja prvog vjetroparka u Republici Srpskoj na lokalitetu Trusina kod Nevesinja početak će u maju ove godine, a priključenje na mrežu očekuje se na ljeto naredne godine.

Ovo je u četvrtak u Nevesinju potvrdio Danko Končar, vlasnik londonske firme žKermas' koja će uložiti oko 65 miliona eura u ovaj projekt. Koncesija za izgradnju vjetroelektrane dodijeljena je preduzeću žEol prvi' 2012. godine.

Brzina vjetra na Trusini je znatno veća od europskog prosjeka, što i pored nešto niže poticajne cijene električne energije, čini ovaj projekt profitabilnim.

Zlatko Mandžuka, direktor poduzeća žEol prvi', sa sjedištem u Nevesinju je naglasio da je bilo potrebno dosta vremena da se istraže potencijali vjetra i prođu zakonske procedure, tako da su se tek sada stekli uvjeti za nabavku opreme i izvođenje radova.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Grbavička 4
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars. The text is centered over the map.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA